



GIUSEPPE CABIZZOSU

BIBLIOTECA

www.giuseppcabizzosu.it

Gavino Capitta

(Nulvi 1??? - Bosa 1???)

Poesie scelte in lingua sarda



GIUSEPPE CABIZZOSU

BIBLIOTECA

www.giuseppecabizzosu.it

Gavino Capitta

(Nulvi 1??? – Bosa 1???)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Gavino Capitta

(Nulvi 1??? – Bosa 1???)

Di Nulvi. Medico di professione, autore di numerose canzonette erotiche.

Mentras chi tantu t'adoro

Mentras chi tantu t'adoro
mustrami nessi sa cara
et cun sos ojos mi nara
su chi sentis in su coro.

Prite gai mi maltrattas,
bella, de milli maneras,
mira ch'ancora sas feras
a boltas si mustrant gratas;
continu d'offender trattas
a chie t'hat dadu su coro;
modera, amadu tesoro,
cussu ingratu naturale
ne mi trattes tantu male
mentras chi tantu t'adoro.

Meda non t'hapo pedidu
ne tropp'est su chi pretendo
pro ch'ancor'eo cumprendo
chi infelizze so naschidu.
T'hap'adoradu 'e continu
ca ses perfetta, ses rara;
et gasi, sirena amada,
modera tantu rigore
et pro segnale de amore
mustrami nessi sa cara.

Si su segnale cuntentu
de t'ider cun libertade,
un'attu de piedade
ancora no hapo tentu,
ignoro su fundamentu
prite ti cuas sa cara:
non ti mustres tant'avara
bella de sas grassias tuas.
Su fine proite ti cuas
cun sos ojos milu nara.

Si ti paret meda cosa
a lu narrer francamente
cun d'una ojada prudente
significalu, o donosa;
sa rejone misteriosa
cherzo ischire ca l'ignoro;
mentras firmu ti adoro
cun d'una mirada muda
dep'intender senza duda
su chi sentis in su coro.

Pro placare s'agonia

Pro placare s'agonia
chi mi privat de recreu
bae e bola, coro meu,
e saluda a vida mia.

Pr'appagare su turmentu
chi tenet s'alma affannada
bola cun su pensamentu
e dali cuss'imbasciada,
naral'a Elena amada
ch'iss'est s'isperanzia mia.

Narali ch'est impossibile
senza la ider campare,
chi cussa pena terribile
mi det sa vida leare
e prestu li det portare
novas de sa morte mia.

Nara ch'in su sonniare
l'abbrazzo, faeddo e miro,
e cominzo a lagrimare
ca paret chi mi dispido;
e pustis, cando m'ischido,
connosco ch'est fantasia.

Nara ch'in continu dolu
isto sempre suspirende
e dormende solu solu
isto cun issa faeddende,
peri sa domo chirchende
e ue est sa vida mia?

Narali, coro benigno,
cando l'has a faeddare,
non mi lasset su carignu,
non mi cherzat olvidare.
In eternu l'hap'amare
ancora chi mortu sia,

Coro, già ch'andadu sese
de parte mia mandadu,
a issa basa sos pese
comente so istimadu
e torra cun coidadu
a sa porta che curreu.

Bae e bola, coro meu,
e saluda a vida mia.